

SAMOA

**TULAFONO FAATONUTONU O TEUTEUGA
O LE TULAFONO O FAALAPOTOPOTOGA
A LE MALO (FAATINOGA O GALUEGA
MA LE MAFAI ONA TALI ATU) 2013**

Faatulagaina o Aiaiga

1. Igoa puupuu ma le amataga
2. Ua teuteuina le Faamatalaga
3

E TUSA AI ma le fuaiupu 32(1)(a) o le Tulafono o Faalapotopotoga a le Malo (Faatinoga o Galuega ma le mafai ona tali atu) 2001, **O AU, TUI ATUA TUPUA TAMASESE EFI**, o Le Ao o le Malo, i le faia i luga o le fautuaga a le Kapeneta, **UA OU FAIA AI** nei Tulafono Faatonutonu e faapea:

FAIA i lenei aso 6 o Me 2013.

sainia: (Tui Atua Tupua Tamasese Efi)
O LE AO O LE MALO

TULAFONO FAATONUTONU

1. Igoa puupuu ma le amataga - O nei Tulafono Faatonutonu e mafai ona taua o Tulafono Faatonutonu o Teuteuga o le Tulafono o Faalapotopotoga a le Malo (Faatinoga o Galuega ma le Mafai ona Tali Atu) 2013, ma e amata faamamaluina i le aso e sainia ai e Le Ao o le Malo.

2. Ua teuteuina le Faamatalaga 3 - Mo le Faamatalaga 3 o le Tulafono:

(a) i totonu o le fuaiupu 3.1.1(g)(ii), ia aveese le faaupuga “Afai ae tofia pe toe tofia foi se Sui Usufono o le Palemene, Tagata Faigaluega a le Malo po o se Sui Ofisa e mafua mai i le Faavae i lalo o lenei fuaiupu e lē tatau ona mauaina e sea tagata ni faamanuiaga po o ni penefiti mai le Faalapotopotoga Tau Fefaatauaiga a le Malo mo le faatinoina o lea tautua”; ma

(b) i le tuanai ai o le fuaiupu 3.1.1, ia faaofi e faapea:

“3.1.2. Ae vagana o se tuusaunoaga i so o se tulafono, o tagata nei ua taua e lē agavaa i totogi po o isi faamanuiaga mo le galue ai e avea o se faatonu o se komiti faatino o se Faalapotopotoga Tau Fefaatauaiga a le Malo po o se Faalapotopotoga Tau i Faamanuiaga a le Malo:

(a) o se Sui Usufono o le Palemene;

(b) o se tagata o galue po o o lo o faafaigaluegaina i lalo o le Tulafono o Galuega a le Malo 2004 po o ua avea e faapea o le a faafaigaluegaina e avea o se tagata faigaluega a le Malo i lalo o se tulafono;

(c) o se tagata o galue i totonu o so o se tofiga faale-Malo po o se tofi o le Malo ua faavaeina e se tulafono;

- (d) sui auai *aloaia* i luga o tulaga tofi o le komiti faatino o se Faalapotopotoga Tau Fefaatauaiga a le Malo po o se Faalapotopotoga Tau i Faamanuiaga a le Malo;
- (e) o se tagata o galue po o ua faafaigaluegaina e se Faalapotopotoga Tau Fefaatauaiga a le Malo po o se Faalapotopotoga Tau i Faamanuiaga a le Malo.”.

Tuaina atu i lalo o le pule faataga a le Tulafono o Tulafono Faatonutonu 1953.

Aso e amata faamamaluina ai: O nei Tulafono Faatonutonu e amata faamamaluina i le aso e saina ai e Le Ao o le Malo.

O nei Tulafono Faatonutonu o lo o faafoeina e le Matagaluega o Tupe.

O ata o nei Tulafono Faatonutonu o lo o mafai ona faatauina atu, mai le Ofisa o le Failautusi o le Fono Aoa o Faitulafono.

**Lolomiina e le Failautusi o le Fono Aoa o Faitulafono,
i le pule a le Fono Aoa o Faitulafono.**